



Alderdi berriaren oinarrian bat etorri dira EE eta PSOE / 5



Aurrekontuei buruz akordioa lortu dute Emakundek eta Lehendakaritzak / 8



Galarza: «Errastik esku onak ditu eta lehia gogorra izango da» / 22

EUSKALDUNON

Egunkaria

Osteguna, 1992ko azaroak 5 / III. urtea / 595. zenbakia / Salneurria: 85 pta. / 5 libera

ANTZERKIA

Antzerkilariak Iruñeko Udalarekin haserre

Nafarroako Antzertilarien Elkartek Iruñeko Udalaren kultur politika gaitzetsi eta antzerki politika aldatzeko eskatu du. 'Don Juan Tenorio' ekoizteak haserratu egin ditu taldeak. / 24

Bidarten kontrako testigantzak egin zituzten polizia eta lekukoek

Filipe Bidart Iparretarrak taldeko ustezko buruzagiaren aurkako testigantzak entzun ziren atzo Pariseko Assise Bergzietako Gortean. Baigorriko bi CRSen hilketari buruzkoak izan ziren atzoko adierazpenak. Gerard Fabries eta Roger Bosle —gaur egun suprefeta— poliziek Bidart gertakari horrekin lotzen zuten adierazpenak egin zituzten, eta beste lekukoen agerpenak ere Bidarten aurkakoak izan ziren. Defentsa abokatuek, ordea, akusazioaren puntu ilun asko nabarmendu eta lekukoen adierazpenetan kontraesanak azalarazi zituzten. / 4

Joxe Azurmendi: «Intoleranteak dira espainolak eta lerdoak euskaldunak»

Joxe Azurmendi idazleak 'Espainolak eta euskaldunak' saiakera kaleratu du Elkar argitaletxearen eskutik. Pentsalariaren esanetan, «espainolen intolerantzia eta euskaldunen lerdokeriaren ondorio da gaur egungo Euskal Herria». Liburu honekin, penintsulako herrien arteko arazoaren gaia, intolerantziaren kultura historikoa, mahai gainera ekarri du zegamarrak. Errenazimendutik hasita, atzerrian euskaldunak esan eta idatzi direnak bildu ditu «insultorio» —bere hitzetan— honetan. / 23

BESTERIK

ESTATUAK

Abiatu dira Bosniantz azken 550 legionari espainiarrak / 14

KIROLA

Uribarrena Logroñesi ez uztea erabaki du Athleticeko Zuzendaritza Batzordeak / 20



Little Rock hirian ospatu zuten garaipena, emazteak lagun zituztela, Bill Clinton eta Al Gorek.


EPA

Clintonen aldaketa irabazle

Hautagai demokratik botoen % 43 lortu du eta George Bush % 38

Estatu Batuetako botoemai-leek aldaketaren aldeko apustua egin eta Bill Clinton hautagai demokratik aukeratu dute lehendakari. Inkestek iragarri zuten bezala, Clintonek alde handia ateratzen George Bush lehendakariari: botoen % 43 eta 378 hauteskunde boto lortu zituen alderdi demokratik hautagaiak, eta % 38 eta 160 hauteskunde boto, berriz, errepublikarrak. Ross Perot oso atzean utzi zuten, botoen % 19ekin eta batere ordezkariarik gabe.

Kongresuan eta Senatuan ere demokratek gehiengoari eutsi zioten espero bezala. Lehenengo aldiz historian, emakumezko beltz bat eta indigena bat senadore aukeratu zituzten astearteko hauteskundeetan. / 15-18



EEBB eta EKren arteko merkatal gerra piztear

Estatu Batuak (EEBB) eta Europako Komunitatearen (EK) artean gerra komertziala pizteko zorian dago, Arantzel eta Merkataritzari buruzko Akordio Orokorren (GATT) gaineko negoziaketek berriro porrot egin eta gero. EEBBek EKrekin duten mila milioi dolarreko lehentasun komertziala erretiratzeko eskatu zuten atzo GATTen. Erabakia aurrera eramanez gero EK-k produktu amerikarren kontra antzeko neurriekin erantzungo duela iragarri zuten europarrek. / 12

URTEA AMAITU BAINO LEHEN BESTE 27 INTSUMISO EPAITUKO DITUZTE NAFARROAN / 10